



SINDIKAT METALACA FEDERACIJE BOSNE I HERCEGOVINE

Sarajevo, Obala Kulina bana 1

Tel./Fax.: ++ 387 33 20 01 76; Email: info@smfbih.ba

Web: www.smfbih.ba

Broj: 01-147-X/25

Sarajevo, 07.10.2025. godine

SREDSTVIMA INFORMISANJA

Predmet: Saopštenje za javnost povodom 7. oktobra – Svjetskog dana dostojanstvenog rada

Dostojanstven rad kroz kolektivno pregovaranje: temelj socijalne pravde i održivog razvoja

Na 9. redovnoj sjednici Upravnog odbora Sindikata metalaca Federacije Bosne i Hercegovine fokus je bio na dostojanstvu radnika, sa posebnom naznakom značaja i efekta kolektivnog pregovaranja po cjelokupno društvo.

Danas, 7. oktobra, obilježavamo **Svjetski dan dostojanstvenog rada**, dan kada širom svijeta sindikati, radnici i organizacije civilnog društva podsjećaju na osnovno ljudsko pravo – pravo na rad koji je dostojanstven, pravedno plaćen, siguran i sa poštovanjem radnih i socijalnih prava.

Ovogodišnji fokus stavljamo na **kolektivno pregovaranje** kao ključni mehanizam u ostvarivanju dostojanstvenog rada. Kolektivno pregovaranje omogućava radnicima da, putem svojih sindikata, zajednički pregovaraju o platama, uslovima rada, sigurnosti na radu i drugim materijalnim i nematerijalnim pravima. To je dokazano efikasan alat u borbi protiv nejednakosti, nesigurnih oblika zapošljavanja i socijalne isključenosti.

U društvima koja poštuju kolektivno pregovaranje:

- Plate su pravednije raspoređene,
- Radni odnosi su stabilniji,
- Socijalni dijalog je razvijeniji,
- Ekonomski razvoj je inkluzivniji.

Nažalost, u mnogim zemljama, uključujući i našu, radnici se i dalje suočavaju sa pritiscima, obespravljanjem i gušenjem sindikalnih aktivnosti. Podsjećamo da su **kolektivno pregovaranje i sindikalno organizovanje međunarodno priznati standardi rada** koji se moraju poštovati. Bez njih nema ni pravde ni stvarnog napretka.

Zato danas, više nego ikada, apelujemo na:

- **Poslodavce** – da prepoznaju vrijednost dijaloga i pristupe pregovorima sa poštovanjem i uvažavanjem.
- **Vlasti** – da garantuju i štite pravo na sindikalno organizovanje i kolektivno pregovaranje, te primjenu istih.
- **Radnike** – da se sindikalno organizuju i bore za svoja prava kroz sve raspoložive legitimne mehanizme i istraju do ostvarenja istih.

Dostojanstven rad nije privilegija – to je pravo svakog čovjeka.

Za svijet rada u kojem vlada pravda, poštovanje i solidarnost – kolektivno pregovaramo, kolektivno gradimo bolju budućnost.

Zajedno smo jači!

S poštovanjem,

Dostavljeno:

- Naslovu;
- Sindikalnim podružnicama Sindikata metalaca FBiH;
- a/a.



Predsjednik SM FBiH

Almir Salihović

